

Glavni odbor Narodnog evropskog saveza (NES) na današnjoj sjednici razmatrao je aktualnu političku situaciju, te donio jasne stavove NES-a kad su u pitanju izazovi s kojima se suočava Bosna i Hercegovina, posebno posljednjih nekoliko mjeseci, kao i o drugim temama od krucijalne važnosti za narod i državu Bosnu i Hercegovinu.

I. O SECESIONISTIČKOM DJELOVANJU MILORADA DODIKA, UGROŽAVANJU USTAVA BiH I BLOKADI INSTITUCIJA

Glavni odbor NES-a pozvao je međunarodnu zajednicu da hitno zaustavi Dodikovo secesionističko djelovanje, posebno visokog predstavnika koji je odgovoran za zaštitu Dejtonskog ustava. Glavni odbor upozorava da će upravo visoki predstavnik biti najodgovorniji za eventualne posljedice pogubne politike Milorada Dodika.

Podsjećamo da je Ustav kičma i temelj svake demokratske pravne države. Zbog toga se i u Bosni i Hercegovini moraju najoštrije procesuirati i kazniti svi oni koji krše Ustav ove zemlje. Ustav i država Bosna i Hercegovina su iznad svih nas!

Glavni odbor NES-a pozdravlja spremnost Sjedinjenih Država da koriste sve raspoložive sankcije protiv onih koji podrivaju ili omogućavaju podrivanje Dejtonskog mirovnog sporazuma, te ulaska u NATO kao jedinog puta za očuvanje teritorijalnog integriteta Bosne i Hercegovine.

Izražamo jasno opredjeljenje da Bosna i Hercegovina što prije postane članica NATO-a, te pozivamo sve naše prijatelje u svijetu da nam u tome pomognu. Jedino je članstvo u NATO garant teritorijalnog integriteta i suvereniteta Bosne i Hercegovine i garant njene stabilnosti i ekonomskog napretka.

Glavni odbor NES-a apelira i na ambasadore država svjedoka Općeg okvirnog sporazuma za mir u Bosni i Hercegovini da hitno reagiraju kako situacija ne bi eskalirala, te da na vrijeme onemogućе Miloradu Dodiku da nastavi blokirati državu i prebacivati državne nadležnosti na manji bh. entitet Republiku Srpsku.

Pozivamo visokog predstavnika da van snage stavi Zakon koji je usvojila Narodna Skupština Republike Srpske, a kojim su proglasili nevažećim Zakon o zabrani genocida. Pozivamo sve političke aktere u BiH, posebno iz manjeg bh entiteta Republika Srpska, da ne koriste odluku visokog predstavnika za produblјivanje političke krize, nego kao šansu za konačno i istinsko pomirenje.

Pozivamo visokog predstavnika da također van snage stavi i Zakon o lijekovima i medicinskim sredstvima, koji je usvojila Narodna Skupština Republike Srpske. Ovo je isključiva nadležnost države i o njoj se može razgovarati samo u institucijama BiH. Sama odluka o donošenju ovakvog Zakona ima za cilj prikrivanje prave situacije koja je prouzrokovana aferom „Kisik“, odnosno trovanje građana Republike Srpske industrijskim kisikom, te izbjegavanja krivične odgovornosti njenih glavnih aktera.

Usaglasili smo se da je neophodno da usljed napravljene psihoze i straha kod stanovništva zbog ozbilјnih priјetnji po suverenitet i teritorijalni integritet Bosne i Hercegovine sve probosanske

stranke zaborave na dnevopolitičke aktivnosti, te da se zajedničkim snagama odupru secesionističkom i ratno-huškačkom djelovanju dijela zvaničnika Republike Srpske okupljenih oko SNSD-a. Republika Srpska je nažalost pred ekonomskim kolapsom i Dodik se umjesto konkretnih rješenja koja bi bila odgovor na krizu u kojoj se društvo nalazi, okreće uhodanom načinu vođenja politike nošene krilima nacionalizma. Također, potrebna je i snažnija diplomatska aktivnost u međunarodnim krugovima, kako bi se upozorilo na posljedice koje bi imalo eventualno otcjepljenje Republike Srpske.

Narodni evropski savez spreman je saradivati sa svim probosanskim strankama i snagama kada je u pitanju zaštita Ustava i države Bosne i Hercegovine.

Glavni odbor poziva sve političke aktere u BiH da mir i napredak zemlje prema euro-atlantskim integracijama bude u fokusu njihovog djelovanja. Ugrožavanje mira i stabilnosti Bosne i Hercegovine ne ide u korist ni Bošnjaka, ni Srba, ni Hrvata kao ni ostalih naroda koji žive na ovim prostorima!

Upozoravamo sve one koji pokušaju na bilo koji način ugroziti suverenitet i teritorijalni integritet Bosne i Hercegovine da će naspram sebe imati odlučne i istinske patriote, koji nemaju druge države osim Bosne i Hercegovine.

Svoje ne damo, tuđe ne želimo!

II. O IZMJENAMA IZBORNOG ZAKONA

Glavni odbor NES-a smatra da je deblokada institucija neophodna i zbog započetih aktivnosti na izmjenama izbornog zakona BiH na nivou Interresorne radne grupe za izmjenu izbornog zakonodavstva u Parlamentu BiH.

Glavni odbor NES-a podržava stav Predsjedništva stranke da je pri iznalaženju najboljih rješenja kod izmjena Izbornog zakona BiH neophodno naći ona koja će osigurati jednakost i nediskriminaciju svih građana u BiH i njenih državljana u dijaspori, uz potpunu provedbu sudske prakse Evropskog suda za ljudska prava i Ustavnog suda BiH, te da te izmjene podrazumijevaju primjenu preporuka OSCE/ODIHR-a i GRECO-a.

Izmjene Izbornog zakona (Dodati nakon sjednice Predsjedništva NES-a o ovoj temi) **Emrić**

III. STAV O ZAJEDNIČKOM KANDIDATU OPOZICIJE ZA ČLANA PREDSJEDNIŠTVA BiH

Glavni odbor NES-a podržao je zaključak Predsjedništva stranke o otvorenosti za razgovore sa svim opozicijskim strankama u vezi postizanja najšireg konsenzusa u vezi jednog, zajedničkog kandidata opozicije za tu funkciju, te da je Narodni evropski savez spreman predlagati i razmotriti sve prijedloge i dati podršku kandidatu koji će raditi na stabiliziranju zemlje i povesti je putem EU i NATO integracija.

Podržan je i postignuti dogovor Narodnog evropskog saveza BiH i Pokreta demokratske akcije (PDA) da kao blok nastupe u pregovorima opozicije u vezi zajedničkog kandidata za člana Predsjedništva Bosne i Hercegovine.

IV. NES BiH SVAKIM DANOM SVE JAČI

Glavni odbor NES-a sa zadovoljstvom konstatira da je Narodni evropski savez Bosne i Hercegovine, koji je formiran u februaru ove godine, izuzetno dobro prihvaćen kao politički projekt u narodu, te da stranka konstatno jača u kadrovskom i infrastrukturnom smislu, kao i da svakim danom NES-u pristupa sve više članova.

Ustrojstvo Narodnog evropskog saveza koncipirano je na principu Regija. Prema Statutu stranke Narodni evropski savez zastupljen je u šest regija čije područje je precizno definirano Statutom. U pomenutim Regijama uspješno je formirana većina općinskih/gradskih organizacija.

Narodni evropski savez će se nastaviti zalagati za jaku državu Bosnu i Hercegovinu. Pod tim podrazumijevamo insistiranje na rješavanju svih problema BiH isključivo u institucijama BiH. Državu treba da brane njene institucije i problem na nivou države treba da se rješava u nadležnim institucijama. Protiv smo pristupa da o pitanjima od vitalnog značaja za BiH odlučuju tzv. „plemenske“ vođe na sijelima iza zatvorenih vrata.

Zalagat ćemo se za potpunu demokratizaciju izbornog procesa, što podrazumijeva da demokratija ne smije prestati završetkom izbornog dana, već posljednjim imenovanjem ljudi kojima građani daju povjerenje glasajući za njih. Narodni evropski savez promovirati će platformu ljudi koji su kompetentni i kadri da vode procese u državi, te će na taj način građani tačno znati šta dobivaju davanjem povjerenja ljudima na listi.

Vizija Narodnog evropskog saveza je politika progresa, okupljanje pametnih, sposobnih, mladih ljudi kao i onih koji iza sebe imaju konkretne rezultate i dugogodišnje iskustvo čiji su rad građani prepoznali u sredinama u kojima uspješno djeluju. Zalagati ćemo se za donošenje strategije i razbijanje negativnog imidža politike kod mladih zbog kojeg se ne žele aktivnije uključiti u rješavanje krucijalnih problema u Bosni i Hercegovini čime bi dijelom zaustavili njihov odlazak u druge zemlje.

Glavni odbor NES-a dao je punu podršku predsjedniku i Predsjedništvu Stranke u daljnjim aktivnostima i politikama vezanim uz pripreme Stranke za predstojeće Opće izbore u BiH 2022.

Predsjednik Glavnog odbora NES BiH
